

Cronfa Buddsoddi Cymunedol



CARTREFI CYMUNEDOL

GWYNEDD

Canllawiau Ymgeisio 2017/18

Cynnwys

Cyflwyniad.....	3
Sut i gymhwyso	5
Pwy sy'n gallu gwneud cais am nawdd?	6
Pwy yw'r rhai na allant gwneud cais am nawdd?	8
Ceisiadau anghymwys	9
Costau y gallwn eu hariannu	10
Costau na allwn eu hariannu.....	10
Deilliannau enghreifftiol.....	11
Dogfennau angenrheidiol	13
Prosesu'r cais	14
Amserlen Cyflwyno Ceisiadau a Chyhoeddi Phenderfyniadau.....	15

Cyflwyniad

Cartrefi Cymunedol Gwynedd

Cymdeithas dai yw Cartrefi Cymunedol Gwynedd (CCG), wedi ei sefydlu yn 2010 yn dilyn pleidlais 'ie' gan denantiaid Cyngor Gwynedd.

Fel y gymdeithas dai fwyaf yng Ngogledd Cymru, rydym yn darparu tai a gwasanaethau fforddiadwy ac o safon i'n tenantiaid. Rydym yn ceisio gwneud hynny mewn ffordd sy'n amddiffyn ac yn datblygu diwylliant a threftadaeth ein cymunedau.

Fel landlord cymdeithasol cofrestredig prif bwrpas CCG yw darparu tai rhent fforddiadwy i bobl sydd eu hangen. Rydym yn gorff annibynnol dielw wedi ein cofrestru a'n rheoleiddio gan Lywodraeth Cymru. Mae bod yn ddielw yn golygu y byddwn yn rhoi'r holl incwm dros ben yn ôl i mewn i'r buses er mwyn darparu cartrefi a gwasanaethau, a chyflawni ein hamcanion.

Mae gennym dros 6,300 o gartrefi ac rydym yn gyfrifol am reoli a chynnal y cartrefi rheiny. Mae rhan helaeth o'n stoc wedi eu lleoli ym Mangor, Caernarfon, Pwllheli, Blaenau Ffestiniog, Dolgellau a'r Bala, ond mae eiddo wedi ei wasgaru ar draws y sir mewn trefi, pentrefi ac ardaloedd gwledig. O fewn y stoc mae tua 400 o gartrefi gwarchod ar gyfer tenantiaid hŷn a bregus.

Dros y chwe blynedd diwethaf rydym wedi buddsoddi £137 miliwn yn ein heiddo i gyrraedd Safon Ansawdd Tai Cymru (SATC).

Mae gennym hefyd dros 3 miliwn metr sgwâr o dir ar draws y sir yr ydym yn gyfrifol am gynnal.

Ein Gweledigaeth

Bod yn flaenllaw wrth ddarparu tai o safon - gan gwrdd ag anghenion cwsmeriaid, a pharchu cymunedau.

Ein Gwerthoedd

- Teg
- Atebol
- Agored
- Arloesol
- Cyfeillgar

Cronfa Buddsoddi Cymunedol

Sefydlwyd y Gronfa Buddsoddi Gymunedol yn 2011 ac mae wedi ei anelu at grwpiau cymunedol a mudiadau gwirfoddol sy'n medru dangos y gall y grant ddylanwadu'n gadarnhaol ar gymunedau, a gwella safon bywyd ein tenantiaid a phreswylwyr.

Bwriad y Gronfa yw cefnogi, cryfhau a datblygu'r cymunedau a wasanaethir gan CCG drwy hybu un neu fwy o'r amcanion isod:

- i. Tenantiaid** - Gwella ansawdd bywyd tenantiaid a phreswylwyr CCG
- ii. Cymunedau Cynaliadwy** - Creu cymunedau cynaliadwy
- iii. Cyflogaeth a Sgiliau** - Cynyddu cyfleoedd gwaith, datblygiad sgiliau a/neu cyfleon gwirfoddoli o fewn ein cymunedau, yn enwedig ymysg pobl ifanc, a'r rhai sydd dan anfantais ac/neu cynyddu buddsoddiad a datblygiad yr economi leol
- iv. Iechyd** – Gwella iechyd a lles tenantiaid a phreswylwyr CCG ac/neu lleihau amddifadedd yn ein cymunedau
- v. Amgylchedd** - Annog, gwarchod a chyfoethogi'r amgylchedd
- vi. Diwylliant** - Adnabod ac ymateb i anghenion cymdeithasol, ieithyddol a diwylliannol y gymuned
- vii. Diogelwch** - Gwella diogelwch ac atal neu ostwng ymddygiad gwrth gymdeithasol o fewn cymunedau

Mae esiamplau o brosiectau y **gall** y rhaglen eu cefnogi yn cynnwys (nid yw'r prosiectau a ariennir yn gyfyngiadol na'n rhagnodol i'r rhestr ganlynol);

- Cynllun sy'n cynorthwyo pobl i gael swyddi llawn neu ran amser, swyddi sy'n recriwtio, cefnogi neu'n datblygu gwirfoddolwyr
- Cynllun hyfforddi sy'n dysgu sgiliau newydd neu yn rhoi cymhwyster i bobl, e.e. sgiliau cyfrifiadurol/technoleg ddigidol, ymdrin ag arian, byw yn annibynnol
- Cynllun sydd yn mynd ati i wella iechyd a lles, yn enwedig ar gyfer grwpiau bregus e.e. gweithdai bwyta'n iach, cyrsiau hunan hyder, gweithgaredd/menter ymarfer corff cymunedol newydd
- Sefydlu menter gymdeithasol newydd
- Gwelliannau i adnoddau neu gyfleusterau cymunedol
- Cynlluniau amgylcheddol lleol
- Cynlluniau i atal neu ostwng ymddygiad gwrth gymdeithasol neu droseddu

- Sefydlu gwasanaeth neu weithgaredd newydd y mae ei fawr angen o fewn y gymuned
- Sefydlu cynllun trafndiaeth bychan, i gynorthwyo pobl sy'n ei chael yn anodd i gyrraedd cyfleoedd oherwydd eu lleoliad
- Sefydlu cyfleusterau/cyfleoedd newydd mewn clybiau ar ôl ysgol, cynlluniau chwarae yn ystod y gwyliu, grwpiau chwarae a methrinfeydd
- Gweithgareddau sy'n hybu gwirfoddoli a denu mwy o bobl newydd i fod yn wirfoddolwyr, e.e. gweithgareddau addysgol, clybiau cinio, sefydlu caffi /siop gymunedol, cynnig adnoddau ar gyfer ymwelwyr, sefydlu menter gymunedol
- Trefnu digwyddiadau – sef digwyddiadau newydd a rhai sydd eisoes yn bodoli na dderbyniodd nawdd gennym o'r blaen, er mwyn gwella cynladwyedd ariannol y digwyddiad
- Datblygu adnoddau marchnata a gweithgareddau cymunedol e.e. cynhyrchu defnyddiau marchnata/ gwybodaeth/ byrddau gwybodaeth neu daflenni hanesyddol, a ddatblygwyd gan wirfoddolwyr
- Paratoi Cynllun Busnes; talu ffioedd proffesiynol, comisiynu ymgynghorydd busnes ar gyfer menter / gweithgaredd newydd fydd yn gwella cynladwyedd ariannol, neu ar gyfer grŵp sy'n wynebu trafferthion ariannol
- Astudiaeth ddichonoldeb / gwerthusiad opsiynau; talu am ffioedd ymchwil i ddichonoldeb ac ymarferoldeb menter / gweithgaredd newydd/ talu costau am gynllunio gan Bensaer.
- Asesiad Effeithlonrwydd Ynni; talu ffioedd proffesiynol asesu effeithlonrwydd y defnydd o egni mewn adeilad cymunedol a pharatoi adroddiad yn nodi'r camau y dylid eu cymryd i wella perfformiad
- Cynllun sydd yn hyrwyddo/annog y defnydd o dechnoleg digidol ymysg ein tenantiaid a phreswylwyr

Bydd yr holl geisiadau yn cael eu hasesu yn ôl eu haeddiant ac yn ôl eu gallu i gyrraedd a chyflawni amcanion y Gronfa Fuddsoddi Gymunedol.

Sut i gymhwyso

- Rhaid i geisiadau fod er budd cymunedau o fewn Gwynedd, ond gallant gynnwys ardaloedd cod post sydd y tu hwnt i ffiniau Gwynedd, ond sy'n rhan o ystâd Cartrefi Cymunedol Gwynedd.
- Rhaid i brosiectau fod er budd tenantiaid a phreswylwyr CCG.
- Mae sefydliadau cymwys yn cynnwys elusennau hen a newydd, grwpiau dielw, mentrau lleol a sefydliadau cymunedol.
- Bydd cefnogaeth ariannol yn cael ei ddyrannu ar gyfer cynlluniau penodol yn unig.
- Ni ellir gwneud cais am fwy nag un grant yn flynyddol.
- Dim ond un waith y cyllidir un prosiect cyflawn. Dylai grwpiau sydd eisoes wedi derbyn cefnogaeth cyllid ariannol sicrhau eu bod yn cyflwyno tystiolaeth glir rhwng cwblhau un cynllun a gwneud cais am ragor o nawdd er mwyn dechrau cynllun newydd.
- Rhagdybir y bydd ceisiadau yn seiliedig ar **gynlluniau** neu **wasanaethau newydd** a fydd yn cyflawni amcanion penodol ac eglur. **Ni** roddir nawdd ar gyfer cynnal a chadw cyffredinol a rheolaidd adeiladau, nac ar gyfer cynnal gweithgareddau neu wasanaethau parhaol.
- **Noder:** Wrth sgorio y cais yn erbyn y meini prawf a ddangosir ar y ffurflen gais, bydd pwyntiau yn cael eu diddymu o gais grŵp sydd eisoes wedi derbyn grant o Gronfa Buddsoddi Gymunedol CCG ar gyfer prosiect/au blaenorol.

Pwy sy'n gallu gwneud cais am nawdd?

Gall grwpiau cymunedol gyda chynllun o fewn Gwynedd sy'n darparu ar gyfer preswylwyr y sir gyflwyno cais am gymorth o'r Gronfa Buddsoddi Gymunedol. Mae'n bwysig fod y meini prawf canlynol yn cael eu bodloni:

- Rhaid i'r sefydliad fod yn un gwirfoddol neu gymunedol, wedi ei leoli, neu'n cael ei weithredu ar ran cynllun o fewn Gwynedd, neu sefydliad gwirfoddol neu gymunedol, sydd yn gweithredu mewn ardal cod post sydd y tu allan i Wynedd ond sy'n rhan o stad CCG.
- Ni all eich sefydliad rannu elw.
- Rhaid cael fframwaith cyfreithiol a chyfansoddiadol. Dylai'r cyfansoddiad neu'r rhestr o reolau gynnwys 'cymal diddymu' sy'n sicrhau fod unrhyw asedau a brynir gyda grant o'r gronfa yn cael eu cadw er budd y gymuned, hyd yn oed os diddymir y grŵp, neu os daw'r grŵp i ben. Heb gymal o'r fath bydd y cynnig grant a themau dilynol yn pennu bod yr ased, os daw'r grŵp i ben o fewn cyfnod o 5 mlynedd, yn cael ei drosglwyddo i gynllun neu grŵp tebyg gyda sêl bendith CCG.
- Rhaid i'ch sefydliad gael strwythur rheoli clir.
- Rhaid cael rheolaeth ariannol eglur, cyfrif banc neu gymdeithas adeiladu (gyda datganiadau amgaaedig am gyfnod o 3 mis lle bo modd) yn enw'r sefydliad, gyda'r angen am lofnod o leiaf dau aelod o'r grŵp i wneud unrhyw daliad neu siec. (Noder ei bod yn arfer da sicrhau nad yw'r ddau unigolyn yn perthyn)
- Rhaid cael cyfrifon blynyddol (ar gyfer sefydliadau sy'n bodoli ers dros 12 mis) neu ragolwg ariannol ar gyfer sefydliadau newydd (llai na 12 mis oed) sy'n cael eu cyflwyno, eu harchwilio / cymeradwyo'n annibynnol
- Rhaid rhedeg y sefydliad yn seiliedig ar egwyddorion sy'n cydymffurfio â deddf gwlad ar gyflogaeth, iechyd a diogelwch, cydraddoldeb gweithwyr a gwirfoddolwyr
- Rhaid dangos deallusrwydd ac ymrwymiad i gydraddoldeb mewn materion yn ymwneud â mynediad, iaith, diwylliant, rhyw ac ethnigrwydd.
- Rhaid cael nodau ac amcanion sy'n gydnaws â'r gweithgareddau a gaiff eu hariannu trwy'r grant
- Rhaid dangos fod gweithgareddau'r ymgeisydd yn cyflawni un neu fwy o'r nodau canlynol: creu swyddi, annog pobl yn ôl i'r gweithle, trefnu ac ysbrydoli cymunedau

- Rhaid dangos fod grwpiau eraill o fewn yr ardal yn cefnogi'r gweithgaredd / cynllun
- Rhaid dangos fod y gweithgaredd / cynllun yn cyfrannu tuag at adfywiad economaidd hirdymor
- Rhaid dangos fod egwyddorion gwerth am arian wrth wraidd datblygu/ gweithredu a rhedeg y cynllun, er enghraifft fod y cynllun wedi dilyn y Canllawiau Ceisiadau Tendr ar gyfer gwaith / gwasanaethau, yn arbennig wrth drafod cynlluniau yn ymwneud â chyfalaf.
- Rhaid gweithredu yn unol ag egwyddorion sy'n gwarchod plant ac oedolion bregus, yn unol â deddf gwlad. Er enghraifft, Polisi Cyfleoedd Cyfartal, Polisi Grwpiau Bregus a.y.b.
- Rhaid i bob cynllun a gaiff ei gymeradwyo cydymffurfio gyda themau a rheolau'r Gronfa Fuddsoddi Gymunedol.
- Mewn rhai eithriadau, gellir pennu telerau arbennig i gynlluniau.

Pwy yw'r rhai na allant wneud cais am nawdd?

Ni ellir cefnogi ceisiadau gan y canlynol:

- Unigolion
- Busnesau preifat
- Cyrff statudol
- Sefydliadau cenedlaethol
- Cyngorau plwyf, tref a chymuned
- Sefydliadau gyda dim mwy na chwe mis sy'n werth o gronfeydd wrth gefn - bydd pob achos yn cael ei hystyried yn ôl eu teilyngdod eu hunain ar sail y rheoliadau ariannol y sefydliad
- Sefydliadau y bernir eu bod yn fregus yn ariannol neu sefydliadau nas credir bod eu systemau rheoli ariannol yn gadarn
- 'Ffrindiau grŵp' lle bydd y sawl a gaiff y budd terfynol yn amlwg yn gorff statudol
- Clybiau diddordeb arbennig lle nad oes budd i'r gymuned ehangach, neu sydd ag aelodaeth gaeedig
- Sefydliadau nad ydynt wedi eu sefydlu yn y Deyrnas Unedig

Ceisiadau anghymwys

Ni fydd ceisiadau am gymhorthdal yn gymwys:

- Os nad ydynt yn cwrdd ag amcanion ein themâu nawdd neu amcanion elusennol
- Os bydd y rhai sy'n cael budd o'r prosiectau yn preswyllo y tu hwnt i ffiniau ein cymunedau cydnabyddedig.
- Os mai hybu crefydd neu ddaliadau gwleidyddol yw prif amcanion yr ymgeiswyr
- Os yw'r gweithgareddau ynghlwm â dyletswydd statudol, neu'n cymryd lle gwasanaeth statudol
- Os yw'r gweithgareddau'n groes i fuddiannau'r grŵp sy'n gwneud y cais
- Os bydd unigolyn yn cael budd neu'n gwneud elw
- Os rheolwyd grantiau blaenorol yn anfoddhaol
- Os yw'r cais yn un am gefnogaeth bellach ar gyfer yr un gweithgaredd, neu fod yr un grŵp o unigolion yn elwa. Gall y gronfa gyfyngu ar yr amser y bydd grŵp neu gynllun yn derbyn cefnogaeth.
- Os nad yw'r grŵp wedi cadw at delerau ac amodau'r grant yn y gorffennol

Costau y gallwn eu hariannu

- Bydd y gronfa yn cefnogi ceisiadau am brosiectau hir dymor, ond dim ond yn cyfrannu tuag at gostau cyfalaf a referniw cynllun dros gyfnod o hyd at 12 mis yn unig.
- Gallwn gyfrannu hyd at 100% o gyfanswm costau cynllun. Bydd y gronfa'n hybu gweithio mewn partneriaeth, a gellir ariannu cyfran o gynlluniau lle cafodd gweddill yr arian ei sicrhau a lle gellir dangos tystiolaeth o'r nawdd hwnnw. Gall cynlluniau sydd wedi sicrhau nawdd cyfatebol gael blaenoriaeth er mwyn ychwanegu gwerth i'r gronfa.
- Nodwch na all cyfanswm y cymhorthdal fod dros £1,000, ac y dylai'r **holl gostau fod yn rhai uniongyrchol i'r cynllun gyda'r bwriad o gyflawni amcanion y cynllun hwnnw.**

Costau na allwn eu hariannu

- Costau teithio a gwario ar gyfer teithio dramor
- Gweithgareddau'n ymwneud â lles anifeiliaid
- Apeliadau cyffredinol
- Dyledion neu gostau ôl-weithredol (hynny ydy costau oedd yn ddyledus neu wedi eu gado cyn i'r cais gael ei gymeradwyo)
- Ffioedd ysgol
- Offer meddygol neu ymchwiliol
- Ffioedd banciau neu archwilwyr
- Di- brisiad neu amorteiddio
- Treth ar Werth (TAW) y gellir ei hawlio nôl
- Ffioedd ar gyfer codwyr arian proffesiynol allanol neu annibynnol
- Cynlluniau pensiwn preifat

Deilliannau enghreifftiol

Deilliant	Disgrifiad	Esiamlau o dystiolaeth y byddwn eu hangen ar gyfer monitro
<p>Cyfanswm yr adnoddau cymunedol a grëwyd / gwelliannau</p> <p><i>(mae hyn yn cynnwys unrhyw waith ar/ gwaith adnewyddu adeiladau ac adnoddau cymunedol)</i></p>	<p>Gwelliannau i adnoddau yw gwelliannau sy'n cynyddu potensial neu werth ariannol eiddo, ac yn cynyddu ystod y gwasanaethau a gynigir yn y lleoliad.</p>	<p>Talebau Contractwyr Ffotograffau Dogfennau gweithgaredd lansio neu ddeunydd cyhoeddusrwydd</p>
<p>Nifer y swyddi a grëwyd neu a ddiogelwyd</p> <p><i>(Mae hyn yn cynnwys swyddi sy'n cael eu creu'n uniongyrchol oherwydd y cymorth grant.)</i></p>	<p>Dylai'r swyddi fod yn rhai cyfystyr ag oriau swydd llawn amser, gyda disgwyliad y bydd y swydd yn parhau am o leiaf 6 mis (gwaith taladwy o 30 awr neu fwy'r wythnos) Gellir cynnwys swyddi rhan amser ar sail pro-rata (h.y. mae swydd 15 awr yr wythnos yn cyfrif fel 0.5 o swydd llawn amser).</p>	<p>Swydd ddisgrifiadau a manylion am y person</p> <p>Manylion recriwtio (hysbyseb swydd)</p> <p>Manylion cytundebau cyflogaeth yn cadarnhau fod person wedi ei gyflogi, ac yn cynnwys hyd a chyfanswm oriau'r cytundeb</p>
<p>Nifer y rhai sy'n cael cymorth i ddatblygu sgiliau</p> <p><i>(Rhaid cael o leiaf 6 awr o hyfforddiant i ddatblygu sgiliau. Nid oes rhaid i'r hyfforddiant arwain at gymhwyster ffurfiol.)</i></p>	<p>Mae gweithgareddau'n gallu cynnwys hyfforddiant cyffredinol neu hyfforddiant galwedigaethol / penodol ar gyfer swydd.</p> <p>Nid oes rhaid i'r hyfforddiant arwain at gymhwyster ffurfiol.</p>	<p>Cynlluniau datblygu personol</p> <p>Portffolios personol</p> <p>Copiau o gofnodion presenoldeb yn dangos amseroedd a hyd yr hyfforddiant</p>
<p>Nifer yr oedolion sy'n cael NVQ Lefel 2 neu gyffelyb</p> <p><i>(Mae hyn yn cynnwys y rhai hynny sy'n derbyn cymhwyster o ganlyniad i'r cynllun. Rhowch fanylion y cymhwyster o fewn y disgrifiad o'r cynllun)</i></p>	<p>Mae'r cymhwyster Lefel 2 yn gyfystyr â 5 neu fwy lefel O, TGAU neu gyffelyb, BTEC neu ddiploma gyntaf /gyffredinol, GNVQ Canolradd, Diploma RSA</p>	<p>Enw'r person a'r cymhwyster a gafwyd</p> <p>Copi o'r cymhwyster a gafwyd</p>
<p>Nifer y mentrau a grëwyd</p> <p><i>(Mae hyn yn cynnwys busnesau gydag amcanion cymdeithasol lle bydd yr arian a wneir, i raddau helaeth, yn cael ei ail fuddsoddi yn y gymuned, yn hytrach nag er mwyn gwneud elw)</i></p>	<p>Busnesau gyda phrif amcanion cymdeithasol eu natur, lle bydd rhan fwyaf y gweddillion yn cael eu hail-fuddsoddi yn y busnes neu'r gymuned, yn hytrach nag er mwyn gwneud elw.</p> <p>Gellir cynnwys menter newydd pan fydd menter yn cychwyn ac yn parhau am o leiaf 12 mis o ganlyniad uniongyrchol i'r nawdd gan yr</p>	<p>Enw'r fenter a thystysgrif ymgorffori neu ddogfen gyfansoddiadol gyffelyb</p> <p>Unrhyw ddatganiadau i'r wasg a wnaethpwyd</p>

	ymddiriedolaeth. Mae 'Dechrau Masnachu' yn golygu'r dyddiad pryd y bydd y fenter yn cofrestru ar gyfer TAW neu gyfraniadau Yswiriant Gwladol (Dosbarth 2)	
Nifer yr oedolion a phobl ifanc sy'n cymryd rhan mewn gweithgareddau byw'n iach <i>(Mae hyn yn cynnwys gweithgareddau sy'n gwella iechyd. Er enghraifft mae iechyd unigolyn yn gwella trwy gymryd rhan mewn gweithgaredd / cynllun.)</i>	Cynhwysir gweithgareddau sy'n cyfrannu'n uniongyrchol tuag at wella canlyniadau yn ymwneud ag iechyd, gan gynnwys cyngor, chwaraeon, dosbarthiadau ymarfer corff a gweithgareddau. Pobl ifanc yw rhai o dan 18 mlwydd oed a dylid cynnwys y rhain ar wahân.	Rhestr y rhai a fynychodd (gan nodi os ydynt dros 18 mlwydd oed) Cyhoeddusrwydd Dyddiadau, amseroedd a lleoliadau pryd y cynhelir y sesiynau Ffotograffau Rhestr gweithgareddau / amserlen
Nifer y cynlluniau mynediad <i>(Gall hyn gynnwys cynlluniau fydd yn cynnig gwelliannau i gynllun sydd eisoes yn bodoli, neu wasanaeth newydd i ardal. Er enghraifft gofal plant, cyngor dyledion.)</i>	Cynlluniau sy'n lleihau ynysrwydd corfforol. Dangoswch sut y bydd y gymuned yn cysylltu gyda gwasanaethau nad ydynt ar gael ar hyn o bryd.	Cyhoeddusrwydd
Nifer y cynlluniau trafndiaeth <i>(Mae hyn yn cynnwys trafndiaeth gymunedol, cynlluniau parcio, "olwynion i'r gwaith" a.y.b.)</i>	Ni all cynlluniau sy'n gwella'r cysylltiadau gael eu cynnwys oni bai eu bod yn wahanol i'r ddarpariaeth trafndiaeth gyhoeddus.	Amserlenni gwasanaethau gan gynnwys llwybr y teithiau Cofnodion yn dangos sut y defnyddir y gwasanaeth, maint yr ardal a gwybodaeth i gadarnhau'r defnydd o'r gwasanaeth
Nifer y llefydd gofal plant a grëwyd, gan gynnwys gofal ar ôl ysgol <i>(Gall hyn gynnwys cynlluniau chwarae ar ôl ysgol yn ogystal â gofalywyr cofrestredig a chynlluniau meithrinfeydd.)</i>	Nifer y lleoliadau gofal plant a gynigir sydd wedi eu cefnogi gan gynlluniau CRT. Gall y llefydd fod yn rhai llawn amser neu ran amser (e.e. cynlluniau chwarae ar ôl ysgol yn ogystal â gofalywyr cofrestredig a chynlluniau meithrinfeydd.) Noder na ellir gwneud mwy nag un cais i bob plentyn.	Lleoliadau'r llefydd gofal plant Dyddiad ac amseroedd y mae gofal plant ar gael Rhestr o'r rhai sy'n mynychu cynlluniau ar ôl ysgol a gwyliau
Nifer y gwirfoddolwyr newydd <i>(Gellir cynnwys gwirfoddolwyr newydd a recriwtiwyd er mwyn cynorthwyo i weithredu neu gymryd rhan yn eich cynllun)</i>	Mae gweithgaredd gwirfoddol yn golygu gwirfoddoli'n ffurfiol - rhoi cymorth yn ddi-dâl. Er mwyn cael eu cynnwys, rhaid i'r gwirfoddolwyr roi o'u hamser o leiaf unwaith y mis.	Enwau gwirfoddolwyr, dyddiad recriwtio, math o waith a dyddiadau gadael Cofnodion CRB

Dogfennau angenrheidiol

Rhaid cyflwyno'r dogfennau canlynol cyn y gellir prosesu eich cais. Bydd y gofyn am rai dogfennau'n dibynnu ar natur y cynllun neu'r gweithgaredd a wneir.

- Datganiad banc gwreiddiol gan y banc a enwyd gennych (sy'n llai na 3 mis oed)
- Dogfennau'n cadarnhau perchnogaeth eiddo / tir y bwriedir ei ddatblygu
- Lle bo'n berthnasol, copi o brydles
- Lle bo'n berthnasol, caniatâd y perchennog i wneud y gwaith ar yr eiddo y gwneir y cais ar ei gyfer
- Lle bo'n berthnasol, copi o ganiatâd cynllunio yn unol â rheoliadau cynllunio lleol
- Lle bo'n berthnasol, tystiolaeth *nad oes* angen caniatâd cynllunio
- Cadarnhad fod gweithwyr sesiynol hunangyflogedig wedi derbyn cyngor am eu cyfrifoldebau i ddelio gyda'u cyfrifon treth incwm a threth yswiriant ar ffioedd
- Bydd angen cyflwyno dau bris ysgrifenedig am unrhyw wariant cyfalaf dros £250 a 3 pris ar gyfer unrhyw wariant cyfalaf dros £1,000.
- Copi wedi ei arwyddo o gyfansoddiad eich sefydliad
- Cyfrifon cyfredol (datganiadau incwm ar gyfer sefydliadau llai n 12 mis oed)

Noder y gallwn ofyn am fwy o wybodaeth am gynllun yn ystod unrhyw ran o'r broses wrth ddelio gyda'ch cais.

Prosesu'r cais

Sut y gellir gwneud cais am nawdd?

Gallwch wneud cais am nawdd o'r Gronfa Buddsoddi Cymunedol trwy gwblhau'r ffurflen gais briodol. Mae'n bwysig eich bod yn rhoi sylw manwl i'r cyfarwyddiadau, gan sicrhau fod eich cynllun yn cydymffurfio gyda'r canllawiau a'r meini prawf.

Cynghorir chi i gysylltu gyda'r canlynol i drafod y cynllun cyn gwneud cais:



Tîm Cyswllt Cymunedol
Cartrefi Cymunedol Gwynedd
PO Box 206, Bangor, Gwynedd, LL57 9DS
Ffôn: 0300 123 8084
Ebst: cymunedol@ccgwynedd.org.uk

Pryd y dylid cyflwyno cais?

Y dyddiadau ar gyfer cyflwyno ceisiadau yw:

- **31 Gorffennaf 2017**
- **30 Hydref 2017**
- **28 Chwefror 2018**

Bydd y dyddiadau cau yma yn ddibynnol ar y gyllideb. Dylid sicrhau fod y ffurflen gais wedi ei chwblhau yn llawn a bod **yr holl ddogfennau cefnogol, technegol ac angenrheidiol wedi eu cyflwyno.**